

Officium Immaculæ Conceptionis.

nosis afflatus infecta est.

Antiphona. Hanc, quam tu despicias Manichæe, mater mea est, & de manu mea fabricata.

Antiphona. Dedit Virginitatem ea puritate nitere, qua major sub Deo nequit intelligi.

Antiphona. Hæc est virgo, in qua nec nodus originalis, nec cortex actualis culpe fuit.

Capitulum & reliqua omnia, si non occurrat festum Duplex, de Dominica.

Et fit Commem. Conceptionis B. Mariæ, Antiphona.

Unica est columba mea, una est perfecta mea, una est genitricis suæ electa. Viderunt eam animæ sanctæ, & immaculatam predicaverunt. alleluia.

¶ Domine dilexi decorem domus tuæ.

¶ Et locum habitationis gloriæ tuæ.

Oratio ut supra. 80.



OFFICIUM
S. JACOBI APOSTOLI,
HISPANIARUM
APOSTOLI, ET PATRONI.

Ex Indulto CLEMENTIS Pape IX. dato Romæ 24 Julii 1667. recitandum in omnibus Hispaniarum Regnis sub ritu Semiduplici, omnibus Feriis secundis, non impeditis. Festo novem Lectionum, excepto Adventu, Quadragesima, Vigiliis, & Feria secunda Rogationum.

In secundis Vesperis Dominice fit Commemoratio sancti Jacobi, Antiphona.

Misit Herodes rex manus, ut affligeret quosdam de Ecclesia, occidit aurem Jacobum fratrem Joannis gladio. ¶ In omnem terram exiit sonus eorum. 80. Et in fines orbis terra verba eorum.

Oratio.

Es Domine plebi tuæ sanctificator & custos. ut beati Jacobi Apostoli tui munus presidis, & conversatione tibi placeat, & secunda mente deserviat.

Deinde Antiphona Sancta Maria, & reliqua Suffragia consueta, ommissa Commemoratione sancti Jacobi.

Ad Matutinum omnia us-

que ad Lectiones, de Communi Apostolorum.

In primo Nocturno, Lectiones de Scriptura occurrente.

Ps. i. Procédens Jesus iuxta mare Galilee, vidit duos fratres, Jacobum Zebedæi, & Joannem fratrem ejus, in navi. * Et vocavit eos: qui statim relictis retibus, & patre, secuti sunt Dominum. ¶ Erant Jacobus & Joannes fratres in navi cum Zebedæo patre eorum, recipientes retia sua. Et vocavit.

Ps. ii. Vocavit ad se Dominus Jacobum Zebedæi, & Joannem fratrem Jacobi, & fecit ut essent secum inter duodecim, & ut mitteret eos predicare. ¶ Et imposuit eis nomina Boanerges: quod est Filii tonitru.

trui. **¶** In omnem terram exiit sonus eorum, & in finis orbis terra verba eorum. Et imposuit.

R. ij. Cum venisset Jesus in domum principis synagoge. Non permisit intrare secum quemquam, nisi Petrum, & Jacobum, & Joannem, & patrem & matrem puella. **¶** Et dixit: Nolite flere, non est mortua puella, sed dormit. Non permisit. **Gloria Patri.** Non permisit.

Lectiones secundi, & tertii Nocturni, dicuntur per ordinem Mensium, ut infra assignantur.

MENSE SEPTEMBRI.

In secundo Nocturno.

Ex Tractatu S. Augustini Episcopi super Psalmos.

In Psalmo 44.

Lectione iv.

Pro patribus tuis nati sunt tibi filii. Genuerunt te Apostoli: ipsi missi sunt, ipsi predicaverunt, ipsi patres. Sed numquid nobiscum corporaliter semper esse poterunt? Et si unus ipsorum dixit: Cupio dissolvi, & esse cum Christo; multo magis optimum est: manere autem in carne necessarium propter vos. Dixit hoc quidem: sed quamdiu hic manere potuit? Numquid usque ad hoc tempus? Numquid usque in posterum? Ergo il-

lorum abscessum deserta est Ecclesia? Absit. Pro patribus tuis nati sunt tibi filii. Quid est, Pro patribus tuis nati sunt tibi filii? Patres missi sunt Apostoli: pro Apostolis filii nati sunt tibi, constituti sunt Episcopi.

R. Assumpsit Jesus Petrum, & Jacobum, & Joannem fratrem ejus, & duxit illos in montem excelsum secretum: **¶** Et transfiguratus est ante eos. **¶** Er ecce apparuerunt illis Moyses & Elias cum eo loquentes. Et transfiguratus.

Lectione v.

Hodie enim Episcopi, qui sunt per totum mundum, unde nati sunt? Ipsa Ecclesia patres illos appellat: ipsa illos genuit, & ipsa illos constituit in sedibus patrum. Non ergo te putes desertam, quia non vides Petrum, quia non vides Paulum, quia non vides illos per quos nata es. De prole tua tibi crevit posteritas. Pro patribus tuis nati sunt tibi filii. Constitues eos principes super omnem terram. Vide templum Regis, quam late diffusum est, ut noverint virgines que non adducuntur in templum Regis, non se ad istas nuptias pertinere.

R. Potestis bibere calicem, quem ego bibo? aut baptizari, quo ego baptizor, bap-

ti-

tizari? dixit Jesus Jacobo & Joanni, filiis Zebedei.

¶ At illi dixerunt ei, Possumus. **¶** Calicem quidem, quem ego bibo, bibetis; & baptizari, quo ego baptizor, baptizabimini. At illi.

Lectione vi.

Pro patribus tuis nati sunt tibi filii. Constitues eos principes super omnem terram. Hec est Catholica Ecclesia: filii ejus constituti sunt principes super omnem terram; filii ejus constituti sunt pro patribus. Agnoscant, qui practici sunt: veniant ad unitatem, adducantur in templum Regis. Templum suum Deus ubique collocavit: fundamenta Prophetarum & Apostolorum ubique firmavit: filios genuit Ecclesia: constituit eos pro patribus suis principes super omnem terram.

R. Assumpsit Jesus Petrum, & Jacobum, & Joannem secum, **¶** Et ait illis: Tristis est anima mea usque ad mortem. Sustinete hic, & vigilate mecum. Et ait illis. **Gloria Patri.** Et ait illis.

MENSIBUS OCTOBRI, ET NOVEMBRI.

In secundo Nocturno.

De Expositione sancti Augustini Episcopi super Psalmum octogesimum sextum.

Ante medium.

Lectione iv.

Fundamenta ejus in montibus sanctis; diligit Dominus portas Sion. Quare sunt fundamenta Apostoli & Prophete? Quia eorum auctoritas portat infirmitatem nostram. Quare sunt porta? Quia per ipsos intramus ad regnum Dei. Predicant enim nobis; & cum per ipsos intramus, per Christum intramus. Ipse est enim janua. Et cum dicuntur duodecim porte Jerusalem, & una porta Christus, & duodecim porte Christus, quia in duodecim portis Christus; & ideo duodenarius numerus Apostolorum. Sacramentum magnum hujus duodenarii significatio est numeri. Sedebitis, inquit, super duodecim sedes, judicantes duodecim tribus Israel.

R. Assumpsit Jesus. 90.

Lectione v.

Si duodecim sella ibi sunt, non est ubi sedeat tertius decimus Paulus Apostolus, & non erit quomodo iudicet: & ipse se iudicaturum dixit, non homines tantum, sed & angelos. Quos angelos, nisi apostatas angelos? Nescitis, inquit, quia angelos iudicabimus? Responderet ergo turba: Quid te factas iudicaturum? ubi sedebis?

o.6

Duo-

Officium S. Jacobi Apostoli.

Duodecim sedes dixit Dominus duodecim Apostolos: unus cecidit Judas, in locum ipsius sanctus Matthias ordinatus est; impletus est duodenarius numerus sedium. Primò locum inveni, ubi sedetas, & sic te minare iudicaturum. Duodecim ergo sedes quid sibi velint, videamus. Sacramentum est cuiusdam universitatis, quia per totum orbem terrarum futura erat Ecclesia; undè vocatur hoc edificium ad Christi compagem.

30. Potestis bibere. 50.

Lectio vj.

ET ideo quia undique venit ad iudicandum, duodecim sedes sunt: sicut quia undique intratur in illam civitatem, duodecim portæ sunt. Non solum ergo illi duodecim, & Apostolus Paulus, sed quotquot iudicaturi sunt, propter significationem universitatis ad sedes duodecim pertinent; quemadmodum quotquot intrabunt, ad duodecim portas pertinent. Partes enim mundi quatuor sunt. Oriens, Occidens, Aquilo, & Meridies. Ista quatuor partes assidue nominantur in scripturis. Ab istis quatuor ventis, sicut dicit Dominus in Evangelio, à quatuor ventis se collecturum electos suos: ab

omnibus ergo istis quatuor ventis vocatur Ecclesia. Quomodo vocatur? Undique in trinitate vocatur. Non vocatur nisi per baptismum in nomine Patris, & Filii, & Spiritus sancti. Quatuor ergo ter ducta, duodecim inveniuntur.

31. Assumpsit Jesus. 50.

MENSE SEPTEMBRI.

In tertio Nocturno.

Lectio sancti Evangelii secundum Mattheum.

Lectio vij. Cap. 20. c

In illo tempore: Accessit ad Jesum mater filiorum Zebedæi cum filiis suis adorans, & petens aliquid ab eo. Et reliqua.

Homilia sancti Joannis Chrysostomi.

Homilia 66. in Matth.

Sedere autem à dextris & à sinistris, non est meum dare, sed quibus paratum est à Patre meo. Quibus porro paratum est? Illis videlicet, qui fulgentissimis operibus evasuri sunt. Idcirco verò dixit, Non est meum dare, sed Patris mei: ne quis infirmum atque impotentem ad hanc ipsam fore retributionem opinetur. Sed quoniam modo? Non est meum, inquit, sed quibus paratum est. Verum, ut clarior fiat quod dicimus, exemplo id ante oculos ponamus. Ad editorem igitur munerum

Officium S. Jacobi Apostoli.

rum atque certaminis, quò multi ac præclari athleta confluant, duos quosdam ipsi præcipua familiaritate conjunctos accessisse fingamus, qui amicitia principis freti, postulante audeant, ut victores ipsi præconio declarati coronentur. Quibus ille respondeat: Non est meum id dare, sed quibus laborem atque sudorem præparatum est.

32. Misit Herodes rex manus, ut affligeret quosdam de Ecclesia: Occidit autem Jacobum fratrem Joannis gladio. 3. Ecce ego mitto ad vos Prophetas, & sapientes, & scribas, & ex illis occideritis. Occidit.

Lectio viij.

Num igitur, quasi non potentem illum id facere, condemnabimus? Nequaquam: sed justitiam ejus admirabimur: & quoniam non personam, sed rem respicit, laudabimus. Quemadmodum igitur editionis munerum atque certaminis principem, non quia non potest, sed quia non vult luctationis transgredi leges, & justitiam transgredi conturbare; sic utique Christum id dixisse affirmamus.

33. Iste est qui ante alios Apostolos primus plantavit Ecclesiam sanguine suo. Cujus corpus in Galliam delatum, per totum

orbem gloria illustratur. 34. O sidus, o decus Hispaniæ sancte Jacobe Apostole, intercede pro nobis ad Deum qui te elegit, Cujus corpus. Gloria Patri. Cujus.

Lectio ix.

ITa undique illos compellebat in gratia Dei primam, deinde in laboribus propriis omnem salutem, & gloriæ spem respicere. Ideo dixit: Quibus paratum est. Nam si alii præstantiores videbimur, si excellentiora sunt; quomodo illis expulsi, locum eorum vos occupabitis? An quia mei discipuli estis, idcirco etiam si non digni primatu eritis, præmia tamen quoque consecuturos vos arbitramini?

Te Deum laudamus. 17.

Si occurrat Festum simplex, ex duobus Lectiōibus fiat una, & tunc ix. Lectio crit. de Sancto simplici.

MENSIBUS OCTOBRI, ET NOVEMBERI.

In tertio Nocturno.

Lectio sancti Evangelii secundum Mattheum.

Lectio vij. Cap. 20. c

In illo tempore: Accessit ad Jesum mater filiorum Zebedæi cum filiis suis adorans, & petens aliquid ab eo. Et reliqua.

Homilia sancti Ambrosii
Episcopi.
Lib. 2. de Fide ad Gratia-
num, cap. 3.

Potesis bibere calicem,
quem ego bibiturus
sum? Dicentibus au-
tem illis; Possumus: ait il-
lis Jesus: Calicem quidem
meum bibetis; sedere au-
tem ad dexteram meam, vel
ad sinistram, non est meum
dare vobis, sed quibus pa-
ratum est à Patre meo. Quam
patiens & clemens Domi-
nus, quam alta sapientia,
& bona charitas! Volens
enim ostendere, quod non
perfunctoriam rem aliquam
discipuli postularent, sed
eam quam impetrare non
possent, prerogativam eis
paternae honorificentiae re-
servavit; non metuens, ne
quid juri proprio derogar-
et; qui non rapinam arbi-
tratus est, esse se aequale
Deo: simul diligens
discipulos, quia sicut habes,
Usque in finem dilexit eos.
Noluit his, quos diligeret,
videri quod peterent dene-
gasse sanctus & bonus Do-
minus; qui mallet aliquid
dissimulare de jure, quam
de charitate deponere. Cha-
ritas enim patiens est, be-
nigna est, non aemulatur,
non inflatur, non quarit
quae sua sunt.

R. Misit Herodes rex ma-
nus. 73.

Lectio viii.
Denique ut agnoscatis,
non infirmitatis, sed
indulgentiae esse, quod dix-
it: Non est meum dare vo-
bis; ubi sine matre filii Ze-
bedae rogant, nihil de Pa-
tre dixit: sic enim habes,
Non est meum dare vobis;
sed quibus paratum est. Ita
Marcus Evangelista posuit.
Ubi verò mater pro filiis
rogat, hoc est secundum
Matthaeum, Non est, in-
quit, meum dare vobis,
sed quibus paratum est à Pa-
tre meo. Hic addidit, à Pa-
tre meo: quia majorem in-
dulgentiam maternus posce-
bat affectus.

R. Iste est, qui ante. 21.

Lectio ix.

Quod si putant dicen-
do: Quibus paratum
est à Patre meo, quod aut
Patri plus tribuit, aut si-
bi aliquid derogavit: di-
cant, utrum & illic putent
Patri aliquid derogatum,
quia dixit in Evangelio Fil-
lius de Patre: Pater non ju-
dicat quemquam? Quod si
sacrilegium putamus, dice-
re, quod Pater ita iudicium
detulit Filio, ut ipse non
habeat: (habet enim, nec
potest amittere, quod ha-
bet naturaliter divina ma-
jestas,) sacrilegium utique
astimare debemus, quod
non potest Filius dare quid-
quid, aut homines mereri

pos-

possunt, aut quaevis accipe-
re creatura; praesertim cum
ipse dixerit: Ego ad Pa-
trem vado, & quocum-
que ab eo petieris in no-
mine meo, hoc faciam.
Te Deum laudamus. 17.
Si occurrat Festum sim-
plex, ex duabus fiat una,
& tunc nona Lectio erit de
Sancto simplici.

AD LAUDES.

& per Horas, Antiphona.

Accessit ad Jesum Ma-
ter filiorum Zebedaei
cum filiis suis, adorans, &
petens aliquid ab eo. **Pal-
mus.** Dominus regnavit,
cum reliquis de Dominica.

18. Antiphona. Dic ut scé-
deant hi duo filii mei, unus
ad dexteram tuam, & unus
ad sinistram in regno tuo.

Antiphona. Potestis bibere
calicem, quem ego bibitu-
rus sum? dicunt ei, Pos-
sumus. **Antiphona.** Calicem
quidem meum bibetis: se-
dere autem ad dexteram
meam, & ad sinistram, non
est meum dare vobis, sed
quibus paratum est à patre
meo. **Antiphona.** Quicum-
que voluerit inter vos ma-
jor fieri, sit vester minis-
ter.

Capitulum. 1. Cor. 4. b

Fratres, Puto quod Deus
nos Apostolos novis-
simos ostendit; tanquam
non orti destinatos: quia spec-
taculum facti sumus mun-

do, & Angelis & homi-
nibus.

Hymnus.

Jesu salus mortallium,
Nobis ades, dum dici-
mus

Laudes Patróno Hispa-
niae,

Tuam canentes gloriám.

Laudandus hic est unice,
Quod primus in certami-
ne

Apostolus ex omnibus

Pro te profudit sangui-
nem

Tui beatus pluribus

Notis amoris maximi:

Quod testis usque inter-
fuit

Reconditis mysteriis:

Seu vi potentis dexterae

Surgit Jacobi filia,

Quando in paternis ad-
ibus

Est excitata ab inferis:

Seu vultus, ut sol, splen-
didus,

Et vestis, ut nix, can-
dida,

Thaboris alto in vertice

Signum tuae dant gloriæ:

Seu monte olivis consito

Angoris est index tui

Sudor, tuo de corpore

Cen gurta manans san-
guinis.

Deo Patri sit gloria,
Ejusque soli Filio,
Cum Spiritu Paraclito,
Et tunc, & omne in sae-
culum.

Amen.

Y. Annuntiaverunt opera Dei.

R. Et facta ejus intellexerunt.

Ad Benedictus, Antiphona. Visitavi nos per sanctum suum Apostolum, & fecit salutem de inimicis nostris, Dominus Deus noster.

Oratio.

Esto Domine plebi tue sanctificator & custos: ut beati Jacobi Apostoli tui munia præsidiis, & conversatione tibi placeat, & securam mente deserviat. Per Dominum.

Deinde Antiphona, Sancta Maria, & reliqua Suffragia consueta.

Ad Tertiam, Antiphona. Dic, ut sedeant. **Capitulum.** Fratres, Puto, quod Deus, ut supra. 95.

R. breve. In omnem terram, Exiit sonus eorum. In omnem. Y. Et in fines orbis terræ verba eorum. Exiit, Gloria Patri. In omnem. Y. Constitues eos principes super omnem terram. R. Memores erunt nominis tui Domine.

Ad Sextam, Antiphona. Potestis bibere Calicem.

Capitulum. 1. Cor. 4. c.

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. R. breve. Constitues eos

principes, Super omnem terram. Constitues.

Y. Memores erunt nominis tui Domine. Super. Gloria Patri. Constitues. Y. Nihil honorati sunt amici tui Deus. R. Nihil confortatus est principatus eorum.

Ad Nonam, Antiphona. Quicumque voluerit.

Capitulum. 1. Cor. 4. d.

Nam si decem milia pædagogorum habeatis in Christo, sed non multos patres. Nam in Christo Jesu per Evangelium ego vos genui.

R. br. Nihil honorati sunt, Amici tui Deus. Nihil.

Y. Nihil confortatus est principatus eorum. Amici. Gloria. Nihil. Y. Annuntiaverunt opera Dei. R. Et facta ejus intellexerunt.

Ad Vesperas, nisi sequatur festum Duplex, Antiphona de Laudibus. 95. Psalmi de Communi Apostolorum in secundis Vesperis.

A. Capitulo de sequenti Festo, si fuerit Semiduplex, & tunc pro Commemoratione sancti Jacobi, Antiphona. O beatum Apostolum. Y. Annuntiaverunt, ut infra.

Oratio. Esto Domine, ut supra.

Postea Antiphona Sancta Maria, & reliqua Suffragia consueta.

Si

Si verò non sequatur Festum Semiduplex.

Capitulum. 1. Cor. 4. b.

Fratres, Puto quod Deus nos Apostolos novissimos ostendit, tanquam mortui destinatos: quia spectaculum facti sumus mundo, & Angelis & hominibus.

Hymnus.

Defensor alme Hispania,

Jacobe, vindex hostium, Tonitruum quem filium Dei vocavit Filius:

Huc cæli ab altis sedibus Convertere dexter lûmina, Audique læti debitas Grates, tibi quas solvimus.

Grates refert Hispania, Felix tuo quo nomine, Te gloriatur jûgiter Dignata sacris ossibus.

Tu cæca nox, atque impia Nos cum teneret vanitas, Lucem salûs primivus Oris Ibæris impetras.

Tu, bella cum nos cingerent,

Es visus ipso in prælio,

Equoque, & ense acerrimus,

Mattros furêntes sternere. Reti tuo nos pignore,

Largum tuo te minere Rogamus omnes, ut tute Spe protegas præsentia.

Deo Patri sit gloria, Ejusque soli Filio

Cum Spiritu Paraclito, Nunc, & omne in sæculum. Amen.

Y. Annuntiaverunt opera Dei.

R. Et facta ejus intellexerunt.

Ad Magnificat, Antiphona.

O beatum Apostolum, qui inter primos electus, primus omnium Apostolorum Domini calicem bibere meruit! O gloriosum Hispaniæ regnum, tali pignore, ac patrôno muniment, per quem fecit illi magna, qui potens est! Alleluia.

Oratio. Esto Domine, ut supra. 96.

Deinde Antiphona Sancta Maria, & reliqua Suffragia consueta.

EXOR.